

EW NOMOPUNG

A AWORA ANNUKUN AN PIIK, KUUCH, KAU, KARAPAU ME EKKOCH MAAN MEI MOMMONGO IRA; A AFFATA MET ARAMAS REPWE FORI NGENI EKKWE MAAN; A PWAN AWORA NIWININ TIPIS REN ME PWAN REN EKKOCH POPUN.

EPWE PUNG ME REN EWE TRUK DISTRICT LEGISLATURE PWE:

Tetten 1. Ekkesiwini. Itenap 27 me non ewe Truk District Code, iei a ekkesiwin ren an epwe pachenong ew minefoon Itenap iei mei mak fan:

"Itenap 7

Tittin me Tumunun Maan.

1. Awosukosuk
2. Ketiwenoon (Chinon chok)
3. Met Emon Epwe Fori

Tetten 1. Awosukosuk. Emon aramas e nounou piik, kuuch, kou, karapau ika ekkewe sakkun maan mei mommongo ira, chinon chok chuko, ika ekkewe maan mei akkääs, e etiwau noun maan me non tittin, seni pusin an mochen, nge ese wor emon e tumunu, ika ese wor mettoch epwe tongeni tumun ren, epwe tipis non pekin awosukosuka aramas, iwe ika pwe a tipis, epwe tongeni kanupus non ukukun esap nap seni ew maram, ika pakking esap nap seni ipuku chana, ika fen ir me ruoch.

Tetten 2. Ketiwenoon. Esap annuk ngeni emon mei fonuwani ew ekkewe töö ika wor fonuwan woon ekkewe töö ren an epwe epichono noun man usuh mei affat non Tetten 1, ren an epwe chok nomw nukun tit.

Tetten 3. Met Emon Epwe Fori. Mei wor an emon aramas puung an epwe turufi, angeei, ika fen nii noun emon maan ika mei tur non pungun Tetten 1, ren an a ataa piisekin, iwe i ewe e ta piisekin esap tongeni feiengaw ren minne-ka noun ewe maan ren an epwe attipisi. Ioon aramas a tano piisekin ika fonuwan ren an ewe maan ataa, mei tufichin an epwe angeei niwinin me ren minne-ka noun ewe maan, woon ukukun niwinin me namoten piisekin ewe e ta, iwe ika pwe a isei setiw ewe niwin, iwe ewe minne-ka noun ewe maan a pwan tongeni angeei sefani noun we maan, ika pwe a fen piin oono, ika nomw ren ewe e ta piisekin."

Tetten 2. Poputan Pochokkunan. Ika ei Namopung a kapunguno me ren ewe
Kepina, non Chuuk, ika a winiti annuk inamwo ika ewe Kepina esemwo chiwen apung-
ano, epwe poputa pochokkunan non February 1, 1977.

Sain seni: 18. Sana
Koichi Sana, Speaker
Truk District Legislature

Annetata: [Signature]
Datasy Albert
Legislative Clerk/Secretary
Truk District Legislature

Pwinin maram: 7/29/76

A kopunguno seni: [Signature]
Mitaro S. Danis
District Administrator, Truk

Pwinin maram: 8/16/76